

# ID#469

Sabaceda, Bazar — Santa Comba, 2013-09-23

**Informantes:** Maruja de Cataliña (63), Maruja do Americano (69)

**Compiladores:** Ismael Marcos, Francisco Manteiga

**Transcripción da letra:** I. Marcos; rev. S. de la Ossa, A. Santamarina

1. Arriba polo portelo  
na correduira hai lama,  
alumíame, rapaza,  
cunha palla na ventana  
*ai la la ai la la*  
*ai la la ai la la la.*

*E vira ie vira / e volv' a virare*  
*a volta do medio / é mala de dare*  
*é mala de dare / é mala de dare*  
*e vira ie e vira / e volv' a virare.*



2. Pasei a ponte de Mira,  
paseina de pedra en pedra,  
cunha variña na man,  
unha cinta verde nela  
*ai la la ai la la*  
*ai la la ai la la la.*



3. María, meu Marión *he*  
ti a min lévahm' a *zalma*,  
eu a ti no corazón  
*ai la la ai la la*  
*ai la la ai la la la.*



4. Pedriño, Pedriño, Pedro  
Pedriño das cuartas feiras  
por culpa túa, Pedriño,  
quedan as nenas solteiras  
*ai la la ai la la*  
*ai la la ai la la la.*

5. Vaina levando na volta,  
na volta vaina levando,  
bótalle o brazo por riba  
e vaina acariñando  
*ai la la ai la la*  
*ai la la ai la la la.*